

Headline	Dorong pelajar cemerlang akademik		
MediaTitle	Sinar Harian		
Date	16 Jul 2018	Language	Malay
Circulation	160,000	Readership	509,000
Section	Selangor & KL	Page No	39
ArticleSize	822 cm ²	Journalist	N/A
PR Value	RM 42,063		



Dorong pelajar cemerlang akademik

SMK Ahmad Boestamam beri anugerah kepada pelajar berjaya



Shamsul (empat, kanan) bersama tiga tokoh pelajar dan keluarga masing-masing selepas penyampaian anugerah.

Penyelia HEM PPD Manjung yang mewakili PPD Manjung, Kalsom Abu menyampaikan anugerah cemerlang kepada seorang pelajar SMK Ahmad Boestamam.

ROSLAWATY RAIEN

SITI AWAN - Sebanyak tiga anugerah kategori tokoh telah disampaikan pada Majlis Anugerah Kecemerlangan Akademik SMK Ahmad Boestamam, 19 April lalu.

Kategori tersebut adalah Tokoh Pelajar Tunas Harapan, Tokoh Nilam dan Tokoh Pelajar.

Penerima bagi setiap kategori telah dipilih oleh pihak sekolah

berdasarkan kriteria yang ditetapkan.

Pelajar yang bertuah ialah Nur Ainnatul Aisah Hairul Azman, 15, (Tokoh Pelajar Tunas Harapan), Sharmela Ramasamy,

17, (Tokoh Nilam) dan Nor Filzah Auni Mohammad Fadhil, 17, (Tokoh Pelajar).

Ketika ditemui, masing-masing melahirkan rasa terkejut dan gembira dengan penganugerahan tersebut.

Mereka berjanji akan belajar dengan lebih gigih dan seterusnya membanggakan keluarga dan sekolah.

Selain tiga anugerah khas, beberapa anugerah lain turut diberikan kepada pelajar yang layak.

Antaranya Anugerah Pelajar Cemerlang Tingkatan, Subjek Cemerlang, PT3 dan Terbaik Peperiksaan Awam SPM / STPM. Sementara itu, seramai 245

pelajar dari Tingkatan 1 hingga 5 diraikan pada Majlis Anugerah Kecemerlangan Akademik SMK Ahmad Boestamam.

Program anjuran Unit Akademik itu merupakan program kali ke-44 dan dirasmikan Pengarah Urusan TNB Janamanjung, Datuk Shamsul Ahmad.

Setiausaha kokurikulum, Sharidatul Shafinaz Zainul Arifin berkata, program dilaksanakan berdasarkan beberapa objektif positif untuk semua pelajar.

Antara objektif program adalah meraikan pelajar yang cemerlang sebagai pendorong kepada pelajar lain untuk menempa kecemerlangan dalam akademik.

"Majlis kecemerlangan ini satu penghargaan pihak sekolah kepada pelajar yang telah bertungkus-lumus untuk berjaya dalam pelajaran," katanya.

Nota: Bagi melihat lebih banyak gambar sila ke www.gpsbestari.com



Sebahagian pelajar cemerlang yang diraikan kelihatan gembira dengan kejayaan masing-masing.



Penerima anugerah Tokoh Pelajar, Nor Filzah Auni bersama keluarga.



Persembahan pelajar menceriakan suasana.



Kehadiran ibu bapa membawa makna tersendiri kepada setiap pelajar.